



Mariane Paviasen
Inatsisartunut ilaasortaq, Inuit Ataqatigiit

Savaatilitutt ilinniarneq pillugu § 37 naapertorlugu apeqqummut nr. 169/2023-mut akissuteqaat.

15-12-2023
Suliap normua: 2023 - 3471
All. nr. 23676963

Asasara Mariane Paviasen,

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfissavakka.

Apeqqut 1:

Naalakkersuisup Upernaviarsuup nutarterneqarnissaa pillugu pilersaaruteqarpa?

- A) Taamaappat, taava suut pilersaarutaappat?
- B) Naamiuppat, taava sooq pilersaaruteqartoqanngila?

Akissut: Siornatigut nalunaarutigineqareersutut aningaasat tamakkiisut Aningaasanut inatsimmit 3 mio.-t Upernaviarsummi illuutit nalunaarsuinerit aamma tassani sanaartugassanik nutaanik pilersaarusiornernut immikkoortinneqarput. Suliniutit taakku februar 2021-mi illussanik titartaanernut ingenioritullu suliffeqarfimmit siunnersuisartumit Masanti A/S-imit naammassineqarput maj 2022-milu misissoqqinneqarlutik.

Sanaartornissanut pilersaarummi Upernaviarsummi iluutit isaterneqarnissaat sanaqqinneqarnissaallu katillugit 71 mio. kr.-nik akeqassasoq missingiinermit allassimavoq. Tamanna ilutigalugu C-mik missingiinerup kingorna akigitinneqartoq annertunerusinnaasoq naatsorsuutigineqarpoq.

Maannakkorpiaq nalunaarusiamit misissueqqissaarnerit inernerannik Naalakkersuisut utaqqimaarput, imminut pilersornermik inuussutissanillu tunisassiornernik qitiutitsilluni nunalerinermut ilinniartuortoqarnissaanut pisariaqartitsinerit periarfissallu qulaajarneqarnissaaq nalunaarusiami siunertarineqarpoq. Nassuiaammi Upernaviarsuk pillugu siunnersuuteqassasoq naatsorsuutigineqarpoq. Misissueqqissaarinnermit inernerit 2024-mi upernaakkut Inatsisartut ataatsimiinneranni taakkununga saqqummiunneqassasut naatsorsuutigineqarpoq.

Apeqqut 2:

Upernaviarsummik ingerlatsineq Inuillip ataaniikkunnaassava taavalu ilinniarfittut nammineertutut ingerlalissava?

- A) Aappiuppat, taava pilersaarutini qanoq angusaqartigisoqarpa?
- B) Naamiuppat, taava ingerlatsinerup pitsanngorsarneqarnissaanut suliniuteqartoqarpa?

Akissut: Naalakkersuisut aqutsinermit aqqiinerup nutaap pilersinneqarnissaa siunertaralugu inuussutissarsiutini ilinniakkat aamma inuussutissarsiutit ilinniarfiit pillugit suliaqarfimmi pikkorissartarnerit pillugit nutaamik Inatsisartut inatsisaannik siunnersuusiornissartik aalajangersimavaat. Siunnersuut siunertaa pingaarneq tassaavoq inuussutissarsiutit ilinniarfiit qitiusumik allaffeqarfiup oqartussaaffigeqqilernissai, kingornalu ilinniarfiit Namminersorlutik Oqartussat

nalinginnaasumik allaffeqarfiisa inissiternerisigut assersuutigalugit ilinniarnertuunngorniarniit naleqatigalugit inatsisitigut inissinneqassapput. Taassuma kingunerisaanik ilinniarfiit aningaasaqarneri, missingersuusiortarneri aningaasaliissutinillu atuisarneri suliassat akisussaaffillu naalackersuisoqarfimmit susassaqartumit isumagineqartalissapput, maannalu siulersuisunit isumagineqassaarlutik.

Inatsisissatut siunnersuut UPA2024-imi inatsisartunut saqqummiunneqarnissaa siunertaralugu suliarineqassasoq.

Apeqqut 3:

Upernaviarsummi atortut nutaaliaasut eqqarsaatigalugit tamakku kinguaattoorsimanerat Naalackersuisut qanoq iliorfiginiarpaa?

Akissut: Apeqqutinut 1, 4, aamma 5-imut akissutit:

Apeqqut 4:

Upernaviarsummi pissutsit piaarnerpaamik qanoq iliuseqarfigineqarnesrut Naalackersuisut qanoq pingaartitsigaat?

Akissut: Naalackersuisut 18. august 2023-mi savaatilittut ilinniagaq pillugu siulersuisut pisortatigoortumik inassuteqaammik aamma iliussissatut pilersaarummik kingusinnerpaamik 31. oktober 2023-mi nassiussinissaat peqqusimavaat. Siulersuisut tunniussinissamat killiliussap 15. novemberimut kinguartinneqarnissaa kingusinnerusukkut 15. december 2023-mut kinguartitsisoqarnissaa noqqaassutigisimavaat, tamatumani pitsaasunik akissuteqarnissaq siunertarineqarluni. Naalackersuisut siulersuisunit kingusinnerpaamik 15. december 2023-mi akissummik tigusinissartik naatsorsuutigaat. Tamatuma kingorna Naalackersuisut siulersuisut najoqqutassaat isummerfigiumaarpaat.

Tamanna ilutigalugu inatsisit atuuttut naapertorlugit ilinniarfiup ingerlanneqarneranut, aqunneqarneranut, pilersaarutaanut il.il. Naalackersuisut inatsisitigut tunngavissaqanngitsut erseqqissaatigineqassaaq, taamaallaallu pissutsit sukumiinerusumik oqaatigineqartut siulersuisunut ingerlateqqissinnaavaat.

Apeqqut 5:


Nunalerinermut ilinniarfimmik pilersitsinissamat pisariaqartitanik qulaajaanissaq UKA 2023-mi pisussaagaluarpog kisiannili tamanna suli pisimangilaq, kinguaattoorneq pillugu Naalackersuisut nassuiaasinnaappat?

A) Suliassaq eqqartorneqartoq pillugu qaqugu saqqummiunneqarnissaa naatsorsuutigisinnaavarput.

Akissut: Ulloq 14. september 2023 siunnersorti avataaneersoq nalunaaruteqarpoq Naalackersuisoqarfimmik isumaqatigiissuteqarsimanini unitsillugu. Tamatuma kinguneranik najoqqutassaagallartut tunngavigalugit misissuinerup inaarsarneqarsinnaanera Naalackersuisoqarfimmit misissorneqarpoq, kisiannili Naalackersuisut naammaginatsumik nalunaarusiussappata suli amerlanerusumik misissuisoqartariaqartoq paasineqarluni.

Tamanna tunngavigalugu Naalackersuisut 26. oktober 2023-mi Inatsisartut Kultureqarnermut, Ilinniartitaanermut, Ilimatusarnermut Ilageeqarnermullu Ataatsimiititaliaannut nalunaarput nassuiaat UKA2023-mut naammassineqarsinnaanngitsog. Nassuiaat kingusinnerpaamik marts 2024-mi naammassineqassasoq maannakkut naatsorsuutigineqarpoq.

Inussiarnersumik inuulluaqqusillunga

A handwritten signature in blue ink, appearing to be 'Aqqaq B. Egede', written over the printed name.

Aqqaq B. Egede